

UGOVOR

o uslugama osiguranja imovine Fonda memorijala

I UGOVORNE STRANE

Član 1.

- Ugovorni organ:** Fonda kantona Sarajevo za izgradnju i očuvanje grobalja šehida i poginulih boraca, memorijalnih centara i spomen obilježja žrtava genocida - Sarajevo, Ul. Širokac 22., koji zastupa Direktor Suad Zijadić (u daljem tekstu: Korisnik usluge)
- Dobavljač:** "SARAJEVO OSIGURANJE", dd. , ul. Maršala Tita br.29, Sarajevo, koga zastupa direktor Kulić Arif (udaljemtekstu: Dobavljač)
- Osiguranik:** Osiguranja nepokretne imovine Fonda memorijala u skladu sa ponudom broj: 01-400/18 od 02.02.2018. godine koja je sastavni dio ovog ugovora.

II PREDMET

Član 2.

Predmet ovog Ugovora je osiguranje imovine Fonda memorijala, a sve u skladu sa prihvaćenom ponudom Dobavljača broj: 01-400/18 od 02.02.2018. godine, koja je sastavni dio ovog Ugovora.

Član 3.

Provođenje ovog ugovora će se izvršiti pojedinačnim policama u kojoj će se utvrditi osigurane sume i premije osiguranja u skladu sa članom 2. ovog Ugovora.

III OBAVEZE UGOVORNOG ORGANA

Član 4.

Ugovorni organ se obavezuje da će, 7 dana prije isteka osiguranja, dostaviti Dobavljaču sve neophodne informacije o nepokretnoj imovini Fonda memorijala, na koje se osiguranje odnosi u skladu sa članom 2. i za iste uplatiti premiju osiguranja Dobavljaču.

Član 5.

Ugovorni organ će pismeno obavjestiti Dobavljača o licima koja su ovlaštena za realizaciju ovog ugovora iz člana 4. ovog ugovora, kao i pojašnjenja o realizaciji istog.

IV OBAVEZE DOBAVLJAČA

Član 6.

Dobavljač će u roku od 7 radnih danapo prijemu potrebnih informacija iz člana 4. ovog ugovora izvršiti osiguranje u skladu sa članom 2., 3., 4. i 5. ovog Ugovora.

Član 7.

Kod obrade dostavljenih podataka Dobavljač će posebno voditi računa o stavkama koje se tiču slijedećih uslova:

- pružanje pomoći pri kompletiranju dokumentacije za plaćanje ostalih obaveza za predmetnu imovinu,
- kvalitetna i ažurirana obrada i likvidacija šteta,
- pružanje stručne pomoći, besplatnog vještačenja, pravne pomoći, procjene, urgiranja i sl. kod šteta koje su obaveza drugih osiguravajućih društava,

Član 8.

U cilju ostvarivanja prava iz ovog Ugovora Dobavljač će dostaviti Ugovornom organu spisak svih filijala i podružnica po općinama koje pokrivaju na teritoriji Bosne i Hercegovine, radno vrijeme, adresu i kontakt telefon odgovorne osobe, a sve u roku od 7 dana od dana potpisivanja ovog Ugovora.

V

VRIJEDNOST UGOVORA

Član 9.

Ukupna vrijednost svih predmetnih usluga iz ovog ugovora iznosi 2.579,38 KM (slovima: dvijehiljadepetstotinasedamdesetdevet 38/100 KM), oslobođeno plaćanja PDV-a prema članu 25. Zakona o PDV-u („Službeni glasnik BiH“, broj 09/05).

VI

NAČIN I ROK PLAĆANJA

Član 10.

Plaćanjeugovorenihuslugavršit će se na osnovu jednakih mjesečnih ispostavljenih faktura najkasnije 30 (trideset) dana od dana nastanka DPO.

VII

ROK ISPLATE ŠTETE

Član 11.

Od kompletiranja dokumentacije Dobavljač će izvršiti isplatu štete u roku od 1 (jednog) dana.

VIII

TAJNOST UGOVORA

Član 12.

Ugovorne strane su dužne sadržaj ovog Ugovora, podatke koji budu dostavljeni Dobavljaču kao i sva druga dokumentacija koja proizilazi ili je na bilo koji način vezana za ovaj Ugovor, tretirati kao službenu tajnu i u tom smislu preuzimaju punu moralnu, materijalnu i krivičnu odgovornost.

IX

RJEŠAVANJE SPOROVA

Član 13.

Ugovorne strane su saglasne da sva eventualna sporna pitanja rješavaju sporazumno na principu uzajamnog povjerenja i poštivanja interesa obje ugovorne strane.

Član 14.

Ukoliko Ugovorne strane ne postignu sporazumno rješenje za rješenje spora nadležan je Sud u Sarajevu.

X
PRELAZNE I ZAVRŠNE ODREDBE

Član 15.

Ukoliko dođe do promjene mjesečne premija osiguranja iz člana 2. Ugovora, usljed promjene zakonskih propisa potpisati će se novi ugovor sa Dobavljačem, uz obavezu Dobavljača da on naprijed navedenim promjenama blagovremeno pismenim putem obavijesti Ugovorni organ.

Član 16.

Za sve ostalo što nije predviđeno ovim Ugovorom primjenjivat će se Zakon o obligacionim odnosima.

Član 17.

Ugovor stupa na snagu danom potpisivanja obje ugovorne strane i primjenjuje od 28.02.2018. godine do 28.02.2019. godine.

Član 18.

Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Član 19.

Ugovorne strane saglasno izjavljuju da su ugovor pročitale, razumjele i da ugovorene odredbe u svemu predstavljaju izraz njihove stvarne volje.

ZA UGOVORNI ORGAN

Zijad [redacted], direktor

Broj: 13-14-02-50/18
Sarajevo, 02.03.2018. godine

ZA DOBAVLJAČA

Ki [redacted], direktor

Broj: 01-791/18
Sarajevo, 08.03.2018.